

誦
盦
駢
體
文
子


光緒戊戌夏月
張祖彝署



訥齋駢體文存卷下

丹徒李恩愛丹叔著

髮繡調鸚美人圖跋



男丙榮孫正學校

字

僕本恨人辛酉歲訪秋湖上得此幀於匱董家展卷把翫則孤花

送妍靈禽匹豔豐情縣熊有美人在焉霧縠氤氳風鬟娜意即

薛夜來之神鍼班婕妤之圖照也乎夫其永巷苔滋掖庭月竹葉

落迎意衫薄兜愁固知竹枝插戶久斷車營將丹芳草綠階全埋

輦跡十二時之內欲廢黃昏千萬劫之愁幾枯紅淚至若阿蘇小

字清悶無慘慣猜閑事生性聰明戲伴織娥多言唐突時則晚涼

猶嫩薄暑纔收露盈清寢卸砌蟹寒泥墜空梁瑤樓燕去粒拋筵

訥齋駢體文存

五十

豆因覓食而依人花落宮槐屢驚寒而喚客相思隴首且話途長

親劈蓮心應知味苦鬢痕淡冶教吟宮怨新詩口業刪除記取楞

伽密咒辭羈繼於何年掬甘芳其袞汝迺有繡闥春長吳孃針絕

唾羞郎面嚼爛香絨攪是儂心抽殘細髮倚闌歎坐搔鬢凝思試

讀其詠絮清言替花細款洵所謂刺縈心跡蠟恐成灰吐盡情絲

蠶還餘死者也吁干卿何事累我言愁冬郎吟咏多半無題秋士

牢騷生憎作客用是廣徵題墨親自裝池嘆其焚火逃焚却灰免

墮十郎如喚有懷小玉之家一卷重新用抵兼金之贈

廬陽雜詠百首小引

大凡一邑之事詳於一邑之詩體仿竹枝情關桑梓所謂雜詠者

欲以觀土風物產及山川古蹟斯探風意也廬陽腹巢湖控渦潁
膺濡須枕潛皖坤兌交維之壤吳楚接脈之區地大以要人傑所

鍾皮革鮑木之輪載於漢志語音禮制之勝備自隋書爰稽鄉獻

近徵時彥故札記之編甫里菜鋪於學舍陽湖陸繼輅有合肥學舍札記逸事之

輯右丞藻續於遺園邑人王先生伯垣輯廬陽逸事若干卷文物所萃詞采聿興僕

僑寄此間十有一年薄積撰述如巢湖志紫蓬小志及廬陽名勝輯要跡後同乎石

帚蹤將徧夫槎山與俗不諧孟勸孤影以詩自寓墨箋古愁覺無

聊之句遣有匪之生遂得七絕若干首大蜀小蜀之交臺堪掬翠

雜聯苦聯之外數等比紅充琴堂之漁獵佐輜軒之稽攷籍曾隸

夫龍舒余本舒人明初由舒遷宛平後占籍京口技敢諱其蚓唱酬予吟癖醉以金叵

訥齋駢體文存

羅獲彼賞音猷以啞筆策云爾

樸園窈窕谷銘有引

金陵樸園向有二其一則熊孝感相國別墅亭曰洗心齋曰藏密

室曰潛窟曰學易慕廬韓先生爲之記謂有武陵柴桑之勝其一

本陳氏故址爲湖南提督周剛敏公葺而拓之者也煙煙甫靖堂

構再新地隣鴿橋名捋獅窟窟在金陵湯都督兩生別業廡樓煥若花木翳然

軍門署江東寓公擅道南將略功成恬退居士清涼桃葉青谿之

間酒舫慣艤李廣藍田之暇醉尉誰訶此園經洪楊之劫山石獨

存公別出新意顯此靈根箭括兩字有無拜招米老鍾阜一卷今

古割自荆公中有一石極奇刻半山二字漱風味於六朝擘雲棲於雙島雅歌堂四

圍皆石此谷
在堂之後
吾師薛桑根中議時策巾車逕船竹所烙筍言詩歛

洋川圖景稽經誦律仿輶州谿堂屢此遨游題曰窈窕帛履之迹
於此萃焉蒙以指容會侍末座軍門嘗擬園居十四題屬余詠之
乃獨遺茲谷今夏歛蒸入此室處清颺颯然某咳舍人昆季婁請
補題因斯疥壁羊祜不作空灑涕於岷山馬岌如來應留銘於石
關其辭曰

石迺土精能壯林藪到漑喜疆莘歡嗜醜介亭排衙平泉醒酒何

如雲根築作戶牖茲谷誰遺遺自有媯六月凝雪雙松媚姿

上江兩縣

志載陳氏樓園巖局靜邃山勢屨屨戈鉞入室石淚潛滋儒將風

流此焉卜宅唐裝晉裝酒癖花癖開闢洞天位置泉石絳侯經綸

詩畫聯體文存

五十二

白家牀席樂天樂石銘云便似往而復如幽匪藏腸蟠螭血孔肖

是白家夏天牀席

蠶房瓔瓏別致包孕中央跡異愚公名儷康王谷名窈兮窈兮雲煙

環繞以曲而折由裏達表旁冑谿花上蔽叢篠恍惚鏡中含睇宜

笑水流花開美人若來卻月無觀凌歊有臺谷巔有亭翼然善心善色優

哉游哉薰風拂蔭相與徘徊願曲情豪吹律喧至隱蓄泉聲妙得

琴意府勝空青苔皴寒翠大樹凋零秋風蕭瑟公去盤谷我來行

高月侵岫幌塵靖朔戈嵐陰滃鬱助業嗟峨千秋萬歲勒石不磨

樸園爲 先剛敏公別墅園中十四景吾 師皆有銘 先外

王父郝侍御公謂可與北江游京口南山諸寺贊塔也後寓沽

屯失其稿今得此篇庶幾彌憾云門下士合肥周行遠謹識

合肥周恭人誄

歲在祝犁訥漢臘月之杪瑟居台州邑人阮太守輯五時權江右義甯州之稅執訊寓書以其尊壺周恭人之喪來赴於予夫惟琬範韜華古今均感彤帛抽祕情文相生故潘騎省永逝之淚霑滴晨簷謝希逸述哀之文風鏘楚境矧乎同心駢穗其命珠禽一旦賈嘉耦於蘭閨厝殯宮於艾縣蕭史峯寂無能諧弄玉之音謀母山高恨不長返魂之藥固宜阿灰腸斷奉倩神傷也按恭人系出汝南于遶道北幼侍其尊慈袁太夫人敬承淑誥蚤號莊姝婉嫺修儀中外傳寶膏屢善讓弟姊彌怡語言自佳嫵媚咸喜時周武壯公膺長城之望率勁旅之師機槍正明家室靡顧恭人懿筐提

訄會駢體文存

處微行而避鄰妯長晝齋餘背地而思郎罷每值萬里書迴千行淚掬信孝娥之無忝卜嬾道之克敦稽其伉儷本屬中表太守負龍蟠鳳逸之才叶奠鴈委禽之吉繡幙初開爲牽絲而得婿鏡台既下猶障扇以呼奴王范齊名稱此甥與此舅梁孟儷德信宜室而宜家髡豈贅齊曇將乞墅恭人乃歸甯效乎韓姑塵讀勸乎醜宣歛名士婚錢脩能酒恥免窮衾慟灑籍莫回車幸無碧鶴之嘲得獻黃顰之技因之鷓翼聯飛蛩瑣匹影詠絮驕封胡之輩饋桃作嬰媿之妍住安樂行高康節之眉不縲盜博陵經筭楊玠之腹堪捫牀頭金積房中曲成是宜頌樊英之神仙託高柔之愛翫焉乃如何大樹先彫靈蕙迭賁恭人哀如鶉語痛甚鷄斯觸物心摧

綻衣血漬唯哀居廬之痛忍爲遷地之謀而阮君霖雨有思岫雲
偶出爰於光緒十二年謁選赴補章江旋筦釐事恭人因策旃口
之權詣石頭之津書聲滿路舫泛春波名師載途御傳秋駕蓋訓
子之誼既切相夫之功獨多及抵甯州則又操持家政擢節廉泉
與其梓鄉蠲田所入概拯閭鄰兼潤族鄰善緒腔滿陰德耳鳴暇
則與太守婆娑文圃編輯茶經妝樓對幕阜之山曉黛顰展衙舍
納秋屏之月宦迹心清至於分甘之懽導孫以娛祖尸蘭之敬事
亡如侍存妙解議圍張青綾而莫屈護持書秩付朱乘以賈來揚
疑式帖擅韭花笑誇脫腕王子敬歌剛桃葉佩結同心訂且樂兮
亶其亘矣何期恆幹不居舜華旋謝望家山何處紫蓬之曉景含

訥齋聯體文存

五十四

悽控笙鶴來迎黃竹之仙謠忽起鏡方種月玉竟成煙於虛哀哉
阮君煩冤紆鬱涕下如糜孳麻姑壞色之裙淒其化蝶賦漢武重
局之葉慘矣哀蟬而顧斯蓋篋鍼綫猶存對此蘭缸影形倍隻歎
鵠之伎徒倚鰥魚之目空撐竺念遺孤不致衣披弱絮疑尋妙子
何時驛到稠乘是宜徵文紆哀乞銘表範子久識秦嘉有閭徐淑
露涸金盤用悼焚乎芝蕙風傳玉度敬撰德於旒旂乃作諫曰

浮槎鬼峩天台縹緲何圖僊姝竟降阮肇宛質矜莊瓊姿靜窈桃
花無言蕙蘭若笑相鼠箴夫鳴雞戒曉侍讀編芸茹辛食蓼雍諧
娣姒敬事尊嫜母氏鍾愛云乘婿鄉寢門侍膳銜夜縫裳文禽儷
影元胤承筐良餘山趾突驚唬鷓歲在乙酉血涕浪浪旣失配帖

遂喪魂魄，偃偃靡依。髮絲頓白，羽骨強支。幾欲毀瘠，美疢有由。善
泯其迹，太守之官。徐孺子宅，象服是宜。眉宇稍釋，吳皋千里。裁編
風幢，章貢合流。羽翼飛雙，尋幽有屐。益壽無那，窮冬辜月。凍雪打
窗，昇靈蓬島。招魂盱江，茶瓶兒曲。有恨盈腔，路絕瑤田。峰積天姥，
磬杳雙聲。釵留半股，任叻佳兒。左思嬌女，哀哀烏號。泣涕紛雨，玳
柙霜棲。空房月苦，渺渺飛瓊。不知何許，於瘴哀哉。德帳空兮，簫局
寒凄。砥斷兮，鴈影單返。嶮山兮，嚼甜雪。掃花落兮，躋瑤壇。捲珠櫳
而魂遠，失玉步其珊珊。彼梅母之踽孀，或辟繡兮，悴寒境。傑俛而
不齊，類瘦月兮，常完何麗質。與履亨兮，祈長年。而孔難桓，桓絳侯
騎箕天上。紫府仙班，靈璫奏響。往侍庭闈，依然色養。璇宮夜長，仍
勤績紡。回顧塵寰，可嗟世網。惟望廬其無人，觸長簞於曩時。兼美
臣之宦況，工絕句以紓悲。於瘴哀哉。昔阮步兵之作達兮，哭鄰女
而淚傾。況鴛絃之永輟兮，焉能太上之忘情。乏俸錢以營齋，奠兮
心與西江而同盟。薦雙井之苦苻兮，酌以石室之蘭莖。韻軒閉兮，
白日適雌。劍失兮，浮雲愁颺。車馳兮，水巖路。簾影黑兮，珊瑚鉤。冀
明徽兮，永播悵。瑤情兮，千秋於瘴哀哉。

繼眉老人誄

歲在重光，單閼仲冬。月中盥之六日，吾宗世伯繼眉先生卒於江
鄉。耿蘭之報從千里，以馳音。黃瓊之喪會四方，而觀葬。凡屬懷鉛
握槩之彥，負裘提函之儔。隕茲老成，失聲痛悼。惟予小子，受知歎

深爾生狂名間之輒喜香山佳句寄來屢商酌酒送要座無車公
不樂屐齒所到山惟謝客與游且其善氣迎人如香着紙和光譔
物若春在花溫學課孫問仲舒之古事略分僂友許何遜爲忘年

履綦既熟情誼益摯較昔景純郭丈澹春子雲子安延年暨鳩

茲謙元暉謝丈伯純諸宿老殆有甚焉茲乃百年易盡萬世永隔緬懷

先生神識開敏學問醞粹世事利病洞於蒼蔡之微人物臧否沛

於江河之决雅好棲逯彌耽著述留春之館含飴之堂桐影罩階

牀書連屋今秋九月嘗挈琴侶翁方醉莫余旋泛梗猶復寄聲紉

注索和頰仍曾未幾時遽成永訣嗟嗟橋尉腹痛之言式符此讖

李翺心傷之賦應屬斯人歲晚未歸羈繼淝上時天寒欲霰寂處

訥齋聯體文存

寡慷慨人生於晡露愴父執如晨星禮慚徐孺莫爲鏡具之齋涕

搵鍾斯敢效琴絃之輟爰乃述德紆情敬爲斯誄其辭曰

猗與先生抗希荀陳根道核藝抱淑含貞相其姿制倂倂間有

道不仕與物爲春壯歲英英珠玉咳唾伯霜仲雪又弱一个錙銖

功名忘其坎珂愛日承懽春風入座所南之畫泉明之詩造化在

手自得我師流水澹遠秋山瘦奇我獲公集口沫手胝公擬名程

卓然先覺聆音察理斲雕爲樸鵠髮滿頭溺苦於學秋鐙校書字

字研推兩世名醫作之述之著書盈尺克盡所施壽厥黎東拯斯

瘡痍公善頤攝先後龐眉歲在庚寅粵稽庚戌尊甫冠仙太川水於道光庚戌重游

水利市襴衫簪花而出弟子駢肩子孫遶鄰鬻宮競觀福難殫述

屢世厚交辱及鰥生酒肉召我飽腹膨脝賞奇解惑剗偽存誠一

言告我至今怍怍公侍母疾達諸子婦迨至彌留手執某某問厭

世乎而曰否否聞太世母何宜人疾中語家人曰吾與若相處未覺厭也即此一語公之孝可推矣公語我

時淚仍墮肘不知己孝但說母慈諒公之孝他行可知壹教壹學

阿士阿宜推誠相與不萌一私既築譜亭爰建家廟先集鏤完掀

髯一笑是願皆償有子克肖謂子揚九兄外通中介躋綺侶皓何圖噩

耗窮冬飛來披衣起坐放悲疑猜謂公百歲而竟召災張岳棺降

和嶠松摧嗚呼哀哉我客淮涓巷無車轍哲人其萎愴然涕屑執

紼未能入夢長別曾記此時江樓讌雪嗚呼哀哉

祭外姑顏母李孺人文

訥齋駢體文存

五十七

嗚呼繁皋月之上盥兮仰視媯星之歛芒有黃雀之風來自海墻

兮若悽惻其異常甫臯羹亦酒以辟穢兮胡又兆夫不祥子輾轉

不得其由兮不覺形神之徬徨固知孺人之抱疴兮然猶疑信其

相將驚聞耗於季夏之杪兮羌摧折子肺腸緬孺人之綢直兮綽

有林下之風致聞來嬪我東魯兮未及笄兮年十四百兩爛其盈

門兮不止練裳與木笥仰事尊嫜其在堂兮昕與夕焉躬侍曰不

必舉夫千鈞兮衣豈敢着其半臂時我外舅其鑽研兮迺粹掌其

忘瘁孺人交勉以功名兮以文章為幽贊讀儒門事親之書兮侍

夫子常先意以承志繫小姑其如我長兮探食性兮酒醴備但歌
姑恩之曲於樂府兮又何知夫申申之冒彼伯仲讀書其已隕命

兮父母乃愛曰予季相夫子其勤墉作室兮夫惟椎髻而思義既
我舅其服賈兮得健婦以持門節男錢女布之出入兮咸井井之
不憚煩急刀尺而譬長兮若不辨乎朝昏始上堂問起居兮旋入
廚羅酒樽矣明發於二人兮忽椿實而有萱惟老姑造次必以禮
法兮謹婦職而心弗諼俯視兒女之累累兮姑喜含飴以弄孫孺
人事上有則兮復慈下以有恩門庭常覺其春多兮亦婢僕各被
其冬溫三黨僉具稱譽兮猶兢兢其舌捫夫何狂寇之覆甕城兮
擁寵貅於萬竈時我舅其抱貞疾兮足不違夫堂奧孺人挈家以
避賊烽兮日向夫子以慰勞怪昊天之不弔兮忽失所天而怛悼
巴婦築懷清之臺兮杞婦奏崩城之操槍孀姑之哭失明兮旋命

訥齋駢體文存

五十八

隕夫老耄嗟麻衣其如雪兮又傷長物於剽盜天奪我夫復奪我
姑兮如賊之以暴而易暴惟孺人神明其不擾兮營祭葬其意到
隕然若大厦之支傾兮愀然若鳥之翼弛諸子痛定以追思兮思
奚翅乎覆燾嗟孺人罹其鞠凶兮闕心疾其勿治人咸訝其聰強
兮我知其形存而神離夫既憂患據其中兮遂氣血之潛虧也縱
殫精而竭慮兮幾何不憂骨而摩肌寄隱憂於寸心兮夫孰中情
其能窺時險阻之始定兮又婚嫁之乘斯記已未之春吉兮我幸
托乎門楣孺人躬送女以涖汜光兮與吾母相見而笑嬉吾母誇
籤幣之充腴兮謂是賴孺人之賢慈愛淑女之柔嘉兮謂是得孺
人之坤儀我時瞻謁於其側兮睇星星之鬢絲繼相見於梓鄉兮

距一月之分睽喜慈顏之可哀兮尙不謂碧鶴於詒癡我正苦風
塵之掘堞兮扇仁風以披之我又值飢腸之雷鳴兮開郇厨以怡
之勵月餘之瞻依兮旋拜別以言辭孺人過歸黃墟兮不佞迅返
乎湖湄荷言詞之肫擊兮謂當晤對之有期奈室家其若蓬轉兮
屢轉徒於斥鹵之地予亦四方干人兮徒頰鳳城以踣跂借飛奴
以通訊問兮夫誰得罄腹心之所寄歲逐年以逝水兮尙覲面兮
予可冀慕聞夙疚其增劇兮已心膽其交悸焉知不勿藥之有喜
兮誰意一旦其捐棄予深知孺人之厚澤兮咸慈雲其遠被更世
德之隱入人深兮將酬之以魏科與高第聞諸孫斬然其頭角兮
謂將隨老萊而嬉戲豈中壽遂已食報兮乃修短之難計豈瑤池
之見招兮抑二豎之爲祟根觸不解其故兮逝將問之巫筮巫筮
之不我告兮欲遠訴之上帝天關冥冥而莫聞兮當質孺人於夢
寐魂縹緲而難招兮下重淵而上空際憶我婦歸甯之歲兮思晉
鄉兮其未躬詣夫謂歲月其甚長兮亦曾不以是介意兮悔往者
之不可追兮予因循又誰懃痛今生之永訣兮惟臨風而掬淚嗟
孺人之命宮兮與吾母其相同暮年夭折夫長男兮中年痛喪夫
阿翁遠嬌女與嬌倩兮僉鹿鹿而鮮熊熊既未躬侍夫湯藥兮又
未憑棺而灑鵲紅况皆爲婦之最早兮當精肄乎女功信儉德之
可師兮更仁愛之可風壯則親茹乎冰蘖兮老乃易涉夫衰隆慟
失吾母之教誨兮猶恃孺人以磋勸今竟先後以溘逝兮我惟哭

望乎長空儻逆我母於泉壤兮謂余仍諄乎阿蒙雖舌耕心織之
交勉兮曾不得腹果而腸充又食捐之瀕繁兮如磬磬之秋鴻弱
婦亦厯碌其不得已兮首朝暮如飛蓬行將踏槐黃於省垣兮未
卜能免嘲夫冬烘靳賴在天之兩庇兮或可置身於桂叢言有旣
而意難罄兮夫孰得而喻此衷也溯遺徽與慈恩兮夫安得而不
疚厥躬也已矣哉昔雖孺人之遠離兮不啻我育而我撫今汎瀾
忽不可制兮儼然失恃與失怙如中路嬰兒之聲兮槍淚下其如
雨幸有丈夫之子二人兮克儒冠而兼賈信衾櫝之攸宜兮不以
我母之傷乎貧窶睥悠悠兮天涯望森森兮海澗恨微軀之如繭
縛兮不得躬奠乎椒醕皇穹不鑒余之穉誠兮我縱言之將何補

訥齋駢體文存

六十

星已隕夫窶女兮峰忽傾乎天姥賴文章之好報恩兮叙平生而
侑芳杜耿丹忱其不沫兮靈放悲其在塵掬瓊瑰以獻詞兮德不
勝其覩縷孺人愛我如半子兮我將報孺人以千古嗚呼哀哉尙
饗

張評菊外傳

君名仲和字節齋一字評菊明初有諱祥者以從成祖靖難功贈
武略將軍黃石家傳兵法絳侯生擅將材紹厥弓正鬱爲鼎門遂
由壽衛著藉承州姓本連天侯將復始自祖光宗公父禮堂先生
至君并工醫三世乃服其藥一門各扇其芬杏林穀稅虎每替收
瓠瓢鏡經誰原善授君采振騰辰學劬髫歲亦復續肘後之方活

人不少剖項間之瘰稱術便奇且其博涉靈素洞辨機微嘗謂余曰近人視醫爲捷徑賴醫以衣食故名愈高而學彌淺死如林而寃塞路前人有曰天下本無事庸人自擾之耳予則曰天下本無病庸人自蠱之耳君自負如此故儕輩恒謗之然人不多識君君亦不獨以醫傳也君年十二卽工八法獻之榻管客不能制率更嗜書紙必最良龍文百斛烏絲千頁始卽嚙夢樓之截纒遂抗太湖之精膽桃葉歌炫李雪兒之艷仿韭花帖得楊風子之顛體兼眾妙名噪羣彥素其墨者幾恐鐵限欲穿且願緝裙書滿矣君酷解騷雅彈精詠吟自少輒工交余益進其論詩初主阮亭以爲阮亭嘗推本司空表聖味在鹽鹹之外及嚴羽以禪喻詩之旨謂可

洗七子沿習之陋藥兩宋槎枒之病故其詩如玉壺瀉春明月亦笑又如搖花滿欄冷泉自鳴嗣與余大啟局竊遠游淵源自渾魏六朝以及唐宋金元明諸詩咀其精華探其堂奧則又極沈鬱頓挫之氣盡鏡刻酸繡之奇蓋阮亭神韻自超才力猶薄以阮亭入而不以阮亭域也斯真善學者向與余結社推君主盟其時如黃小涪吳小圃紀雲門華湘浦小梅昆仲張少雲顏鴻甫楊筱齋周小東汪寅卿諸君僉敦槃互答縞紵相投編有汜光唱和集仿段氏題儵之體墨采飛騰門竟陵擊盞之才玉音鏗憂蓋君爲之提唱也台詞不多作間作必雋余嘗出其奇和秋雁詞及君感懷諸闕見者詫其活潑洲於腕底捲玉溪於筆端坡翁非曲子所縛者

卿將井水能歌故鏡有雙紅豆館人印裏其風韻當憐美於山林
微雲君云至尺牘之美抗迹谷子雲玄史之修希蹤張伯雨帶六
朝煙水之氣清談自佳傳千甲眼目之神涉筆皆趣凡情語不勝
紀余與小東藏其簡札獨多焉夫使君出其才力角彼時髦而揣
摩當世之文恩羅隱以上第貺許棠以還川君亦樂用筆蓬壺分
膠鄆水郭元振上寶劍之篇星光騰匣米火正邀瑞硯之賜墨瀋
盈袍史館需才詞苑生色使世之局如轅駒鈍如跛驚者不得傲
君以青衿笑君爲白望豈不快甚而乃過學流涕之言聞諸穉齒
讀書須福之痛矢以終身雖孕靈蘊素邁俗超凡勸能賤業署衙
推大隱在塵市功名寂寂未免鄧禹笑人錢刀袞袞並無鮑叔知

訥齋駢體文存

六十二

我君固盡焉傷之嘗勸季弟仲友屏廬跼之學肆金陳之文叔度
能肯父構許武思成弟名其心苦其志卓矣君逾弱冠之歲極才
人之厄記己未丙寅前後十數年戈鋌簇野早潦失秋君則鸞膠
初折鶴原登圯悲鏡台之罷照悼人琴之俱亡騷客以牙斛量愁
終日以淚波洗面因之窮匹萊蕪味習藜藿胸春未輟腸輪不腴
質酒唯贖漢書代薪將燃論語貧可傷哉君獨超甚不屑王猛之
鷲奮頗類后山之卻衣予季可致則踞竈以聽春秋謂其弟臣叔
不癡則捫床而譚周易謂熙臺寒星或疑飽我大雪不宜干人君子

固窮其信然已然猶廣縞紵贄韋絃陶侃縱剉薦留賓江數不移
床遠客入崔儵之庭咸讀五千卷賭謫仙之酒屢輸三百杯倚札

可畫履綦遂多而且座稀俗客不煩竹醫性好直言幾如薑辣其
播人一善則齒牙不惜採友一戾則肝膽可披魏三交豈易執劉
四人終不恨君故竺好士士亦多樂歸之君尤饒金石圖史書畫
之癖凡雙魚之洗五鳳之甄子尾之尊伯牙之絃太公九府之錢
歐陽五代之彙與夫鷄碑雀錄鼠序龜經咸事摻雜不吝資斧廷
珪之墨一丸富能敵國羊徽之書半舫虹可燭天且硯偶遭唾物
卽贈人帖每叫奇身甘負水唐花盈窰雪天之屋先春潛菊沿籬
塵世之朋耐久人幾疑淵材囊有金珠其實劉毅家無僭石也鄒
虔妙署三絕阮孚不名一錢猶尙拂拭容止翩躚履屐任育之形
影亦好王景文補暖可觀論其旨趣較晉人獨多宏厥聲譽覺袁
生猶隘故狂如汝錫閒愁爲痛飲之資而美似陳平孺子豈長貧
之相今歐陽健飛軍門鈴閣工吟菜畦好士抗羊祐爲儒將許馬
周爲奇材時太倉錢敘堂上海蕭卿台諸勝流皆入幕中君乃以
淮海布衣爲將軍指客贊皇作表劉三復文邀主知彭陽愛才溫
八义名鮮人嫉故雖羽鳩出入飲燕唱酬而短簿膏參不關喜怒
文通武達得遂顯揚袁江燧息

聖陛恩深君於庚午秋衣滌緇塵冠飄翠羽得候選巡政廳是歲
臆杪歸省藍尾筵開白頭人笑嬾姑談臚臍之棋淮江均肥瘦之
澤暇迺出其新詩咏余則又摹西崑之體紀北里之談百色妖露
邊人魂魄膚寸雲合鉢其肝腎昔藏園撰香籟四百首倉山授女

史廿二人以方今詰可無忤色而其書或遁入別姿或放爲直幹
僵松挺雪渴驥奔泉秋氣恣其蒼莽老樹削其隗枝聰明自鞭發
泄無已故元謨雖眉頭少伸長吉已心肝漸嘔矣蠶方抽繭難留
不盡之絲帆正乘風豈送將回之鼓詎料辛未秋齊侯店作賈誼
神銷口吐李廣之身腕召右軍之鬼君因遄返里門強營甘旨祖
瑩潛讀千行尙諱已疾任昉不滿五袞預知天年而浸茸乏靈蘭
玉聿折碧城之夢已徵白玉之棺突降鶴來崑舍鴛巢瑋門竟於
同治十一年正月二十九日丑時溘逝年僅三十有五良醫之
子竟以病死才人之名最與福妨嗚呼已矣易簣時遺戒勿吉服
殮昔張融之劾令張素旒今評菊之喪囑衣墨經古今人何遂不

訥齋聯體文存

六十四

相及哉君病中題姜龍門負骸圖詩遂成絕筆其詩有至孝隱深
憂句不獨詩筆之邁俗足徵血性之過人已君初娶金孺人未逾
年卒繼朱孺人生子經距君歿時財七月耳續孤兒之曲精靈如
語聆寡婦之賦朋舊皆酸哀哉君著有靈蘭館詩評菊啟事各如
千卷余與小梅小東蚤而存之回憶舊游邈若山河之隔猶存後
死敢忘平生之言若其孝友之醇摯心事之愷悌始終大節則詳
見小梅所撰墓誌中君生前尤辱愛余駢儷文爰以之選古體寫
昌谷別傳攬拾奇行於邑予懷匪假之以修辭姑輒之以表德後
有集淮海之英靈傳秦郵之耆舊者或將有資於斯文云

聖已和尙像贊

廓然無聖卽是聖諦以聖自名於道亦濟肉恐不精力求其銳豈
屑俗子拾人唾涕栢谿之南有寺而然繫彼導師妙契燈傳施廣
長舌豎光明拳歷八萬劫生切利天螺髻仙人虎頭哲匠髓得機
中神傳紙上證一指禪無五衰相誰是先輩獲似百丈故山無恙
開士畱照只八解脫含光隱曜如見迦葉拈花微笑初地風清影
堂雲繞十纏難懺九結未忘我恐漂墮著入碓坊參柏子禪開木
樨香慈暉不滅山高水長

贈周小東二十初度序

世珍喬壽爭頰龐眉天錫遐齡羣推鮪背若夫妙年甫屆冠禮方
行此卽代陳祝嘏之詞侈獻稱觴之說得毋招時賢之笑矇與物

詠盦駢體文存

六十五

議之譏評歟然而巨山壽永要當驗龜息於兒時楊億年高自可
誇鶴咆於綺歲爰有岐陽右姓肇洛名家謝侯之祖代產間人任
氏之兒世推幼慧加以器宇昂藏襟懷暢朗少知孝友長愛才華
製苔紙而書銘揚萼花而鈎帖蕭子雲之尺牘蒼萃成編包明月
之詩章吟哦適性桃花扇滑箋樂府於南朝翡翠屏寒乞畫材於
北苑蓋自藉隸昇州居鄰蔣阜獅兒去遠葉打新亭燕子飛遲花
堆舊巷江令裁錦箋表宅花月娟妍盧家以明鏡爲湖煙波激灩
邀筵冶城之步草與愁青聞歌長板之橋簫因秋紫爰此秣陵縣
古代出詞雄孫楚樓高時多酒客而君乃壺公署號市隱潛身玉
谿生之歲未舉明經太史公之年難探禹穴初以霽月光風之裔

力矢潛修繼以勤墉作室之才勉承先志此則家風焉老止許登
菘世業韓康無妨賣藥者也然復抗迹騷人傾心名士辭家鍾阜
之下開社汜湖之濱擁絀牀而樂琴書凭髹几而談金石帶六朝
煙水之氣允矣吾徒追四方裙屐之交翩然之子僕家鄰二水石
證三生論交而及少年傾蓋而皆逋客話江南之烽燹山尚憐青
醉視北之煙雲鬢還搔綠茲於壬戌之秋適庚辰之度犀林爛放
杯襲花香蟾影媚來簾延月爽于時朋黨酣嬉序文諉誑乞余一
語傳君千秋因記陳叟迦陵贈閻公梓勤曰輪困山木經百折而
壽始千年彭湃江流過雙岬而勢恒一束時間年甫二十也蓋謂
根深者乃久務盡滋培氣斂者有容須求蘊蓄以吾一日之長藉

訥齋駢體文存

六十六

作箴規及身九族之饑毋忘體恤珍此春華勉旃秋實情殷桑梓
宜嘯成四百八十寺之春客饗蟠桃好釀作三萬六千塲之酒

張子

仲和以蟠桃園相贈
屬同羣賦詩以張之

姨丈顏良亭先生七十壽序

年知期

經學之尊自漢始厥時如伏生勝申公培暨轅固胡毋諸儒類皆
以梨萑之年膺蒲輪之選蓋思貫於一則天真不鑿道充於中則
筋骸自彊優游從容其本固也期頤耄耄其報大也我姨丈良亭
夫子幼好談經長而聞道學不厭博綜百氏之言思不欲疲著專
門之業鑽仰紹乎家風淵濶乎泗水素王不作願下陳庚之拜
絳老重生適逢算亥之年學劬卅載名壽千秋方今經學昌明設

聖天子有求書之詔寵崔光以博物旌桓榮以稽古誠斯道之一
幸也豈煩東西爲縱南北爲橫示文體於吾儕度索有桃鄆泉有
菊揚鹿詞於史席哉同治庚午月日爲夫子七十誕辰凡屬橫經
註弟子之籍者咸思稱觴爲先生壽而以揚榷之詞屬諸恩綬恩
綬謹推其得壽之由與夫壽之未有涯涘而爲之言曰古顏氏代
有聞人曲阜之封高堂之侯尙已卽丁善居喪辛能修業蠋之隱
志巧於處窮彪之文章冠絕當世史書所載受姓爲祥我夫子發
跡於顏林世家於潤浦其居則壽邱之山枕其後清風之橋繞其
左鍾毓靈秀磅礴蜿蜒奇孕星精華瞻霞彩任昉有吞鈴之瑞傅
說束植鰭之容三歲識字預元無慚楊烏七齡賦碁讀書能半袁

訥齋駢體文存

六十七

豹居鄰鬻斤早嫻俎豆之容泉酌聰明雅擅都京之賦此夫子之
生異乎人也顏氏尤世以孝聞髻嗟抱棺烏感銜土肇自遠祖聿
生今詰我夫子少失所恃哀若不勝睇叔治之泣里人罷社聆處
歎之哭鄰媪輟舂繼則善事後母兼友穉弟有休徵守柩之愚致
魯男分梨之讓於時我姨母李孺人來嬪旣敬如賓尤勉以孝廁
踰則躬親板輿則共御尊孀善諧色性昆弟允無間言暨乎親逮
龍鍾更篤志於烏哺負米於百里承歡於二人問膳之哽噎許必
視三視枕之高下夕常起五無何椿蕙齊隕棣華亦摧百端呼籲
四時哀慕崔子作孝之身恐吹風其欲倒宋帝愛弟之痛幾灼艾
其同前此夫子之性全乎天也且夫境易困心貧難勵志惟往往性

之未定故神明之不居夫子賤乃多能窮不失志初執經於敬庭
陳拔萃繼請益於猗谷張明經第見豐尚不知窮餓自得營曼卿
之葬兼及三世嫁鍾離之妹不止一人脉望識字頓輒擔勞然且
仰矚丙躔俯察亥步年少鋤色書不諱淫師古宅心世皆誦僻比
諸朱穆數馬之專承宮牧豕之瘁古今人何遂不相及哉故入翼
之門墻不問而知爲弟子邀毛公擢拔一見而決爲經生此夫子
之學積於勤也往者粵寇造逆傾覆金陵江東騷然無安歲我夫
子始避於郡治之曲阿旋遷於暨陽之南閘鎮繼隱於淮甸之秦
南倉所至柴穀填閭巷筆札堆溷藩謁竈說經鄰姊隔離而側耳
杜門忍餓社僧乞米以餽貧帶甲滿天揭竿遍野雖子敬之失青

訥齋駢體文存

六十八

檀本非誨盜而甄彬之贖白苧乃能還金

王君蔗林嘗以五百金存公處公避寇雲陽遇

盜衣物俱盡此金獨存盡舉以歸之

美德載宣義聲遠播而夫子方大啟智鑰洞關

經庫以窮愁爲著書之資爲古今瀕賣餅之誚矻何范之膏盲闢

尼山之蘊奧操筆之公遠邁習鑿齒徵事之博幾抗賈長頭化雨

溢乎洪溪仁風扇乎陋巷時則有公羊直解春秋求歸春秋後傳

等書旣而吾潤鳩安公事麇集我夫子才殫箸述仰屋而居志切

澄清攬轡而出初膺採訪節烈之選繼荷建築試院之勤摻討靡

遺經營孔亟故青鐙秉筆則毅魄咸歡大厦庇寒則多士皆喜最

後嶺南李公來守吾郡仰其廉貞投以艱鉅有育嬰洲者稚命所

關博濟攸賴時大亂甫平或蕪田失耕或頑民佔業諸執事僅爲

補苴之計將貽厝薪之憂夫子按戶立籍計畝課租開諭則口燥唇乾勤事則雨沐風櫛先導財之源繼節財之流存久遠之計無狹隘之謀人鮮鵠形本儒家之保赤工將鳩集幾墨突之不黔然而營營之蠅反能玷玉囂囂之蟲忽欲成雷時則有屈騷求志之作以讒言舌張之日厲孤忠心仰之思起湘水之沈寃抉貞臣之奧旨蓋我我聖域方且初桃獨登豈了了靈臺不能古鏡四照昔朱晦翁之註騷感趙汝愚之遭貶以方曩杰可無忤容然猶清恐人知跡方自晦冬心鬱其獨抱春氣盎而自生郭子橫觥航之節魁壘之概弗形黃叔度汪汪之波灑瀚之勢尤敏此殆夫子之進於道乎道者所以酬質葆生而貫學者也綬以爲夫子之壽在是矣抑又有進焉古者經學之士罕工詞章騷咏之流類多怫鬱故穿鑿太過性情易於汨沒而幽懷之關鍵弗開也猖狂自恣歌哭損其天真而名教之地轉斬也門弟子不見夫子之文乎道以培其至經以拓其宇胎息乎遷萌芽乎屈不嫗嫗以媚俗不歇骸以敬名相其姿制則間有穎濱之淳蓄與愚溪之清隋焉且其詠風弄月擅儲王之冲逸洗全賀之險怪滔滔清絕天機自暢者是爲夫子之詩金敲玉戛具姜史之格調滌周柳之詭蕩琅琅可誦雅韻自流者是爲夫子之詞其行之卓如彼其學之精又如此宜其作後進之楷模植新陰於桃李夜識金銀之氣不貪本是詩人朝爲麋鹿之游近市斯爲大隱今日者慧斐爲離垢先生曾幾亦在

家衲子棋止平心頗看爛柯之局琴須斂手不登焦尾之場呼鄰翁以醇酒化婢媪以知詩而且翟氏能耽隱趣稭稻偕儲延年不喜要人梓橋必敬伯霜仲雪昆從有怡怡之容朏月颺風父子無齟齬之態爲愛孫而戲張憑因論詩而賞謝韞學袁峻抄書日課五十紙仿李謐校字家積四千卷故采錢氏義田之叙幾酬素志而荆蘇家族譜之亭雅擅史才誠可謂通眾材之不兼暢羣才之大適者矣然則境非無榮悴也時非無毀譽也而乃峨岷之水發源遠而激搏不阻其流秦嶽之雲在山久而鬱勃仍蒸爲雨今則育嬰之堂歲年無歉物我皆春旣躋斯民於仁壽之域當祝我公於福祿之林邊菩薩能澤萬物何展禽不名一錢所幸讒焰終熄

訥齋駢體文存

七十

無損日月之明大名自垂允著人倫之鑒勝虎尾春冰之館學問從兢惕而增築天心水面之亭襟懷自古今而寫然後知夫子艱於遇而無傷者其道充也卽其壽永也昔魏高允好生惡殺齒九齡而神益曉冷單道開樂澹寡營年百歲而體尤矍鑠夫子則慈祥成性親戚之依以爲命者樂其仁坦白爲懷強悍之化而爲良者薰其德由是而耄耄而期頤看驥子之騰驥卜龍孫之蔚起固有可操券獲者恩綬受知最深更願以雲霞軒翥之詞金石雕潤之說與門弟子拜頌於無窮也豈不懿與

楊靜齋封翁暨配劉恭人六十雙壽序代

聞之昔矣有謁親官道而躬率諸生侍母行衙而起居八座甚至

圓榆必辭蘭馨石建之家版輿隨游花繞潘仁之縣者此由使君
竺孝賢享承顏故能極人世之寵榮序天倫之樂事然罕說雷封
百里介東方曼倩之筵星炳雙輝臨南極老人之國若夫琪珪杞
瓘之才耀之於今髮覲齡耆之社至之於後慶六黼於豐體羅百
祥於鼎門民躋仁壽澤闔乎蒼生子切瞻依懼迎乎絳老其惟我
封翁靜齋先生乎歲彊圉赤奮若元月適先生長君筱齋大令之
綰壽昌篆也姓名早貢之

御屏庭訓已編爲縣譜一時瓠剖苛煩鉏雜剛疏政通人和民歌
今單父峰錦嶺綉地隸古揚州而值我封翁暨元配劉太恭人後
先攬揆喜慶大來

訥齋駢體文存

七十一

恩綸煥九霄之雲鹿車竝飾斑衣戲千里之綵鶴竿齊轅凡其扶
杖觀化之毫髮與影組畫日之名卿罔不掬散卓揚魯麻而况某
等久依卿月親被祥風能不效酈泉之壽客製菊爲銘擬度索之
神人將桃入詠也哉然則遐篆揆張吉詞修禊仙霞簇錦賓皆闕
臂而紛哦僂日照筵翁亦掀髯而樂聽矣獨是守福無虧者必審
其洪纖之量而炫博非宜也惟恭則壽者要稽其顯晦之遭而貢
諛弗尚也約舉數則謹傳千秋從來源孕於岷江而後波瀾乃濶
山根於華嶽而後形體乃宏今先生毓靈於邢水挺異於鵬辰初
以入學鼓篋之願力矢儒修繼以勤墉作室之身勉承先志其時
長物缺然老親孱甚而寒噓則櫛馮咸具色養雖菽水必歡券償

諳臺債客而雁行卻立磬縣魯室高堂而烏哺彌勤至如展楹書而涕賞撫楛捲而腸迴馳張曾子之美稱紹楊羅漢之家學温公拊伯康之背屢詢寒温姜肱慰季江之心善推田宅異鄉加飯歷皓首而相關子季陟岡爲白眉而交敬此先生之孝友夫老老斯能盡悌親親卽以仁民古之人儉約處己和婉澤物者則許文休紀綱同類嫺黨泯其化離張子韶陶冶羣倫寒素依其薦剡先生續范晏編陰惠之傳仿明允築族譜之亭得劉宏之書賢於十部匡公瑾之匱何止一困嫗比翳桑飢踞竈觚而盡樂士憐泛梗說如盤肉而尤甘而且歲屆鞠窮力籌榆莢刪鴻澤之噉免噓號夫苦雨穢雀壤之兆聿紹述乎家風心地較寬於杜厦口碑遍植乎

訥齋駢體文存

七十二

袁江此先生之慈惠抑嘗論葫醬之利傳於遷固鹽鐵之論誌於桓寬魁儒多能億中良賈亦豈羞爲先生以轉物候時之智奏印纍珠剖之助其明燭事幽爛若巖下之電其財同阜積蔚如山陰之霞選菜肚老人

謂黃丈
補愚

推設資其鑒識佐梅花宰相調羹寓以

經綸京莊者爲北鹽鉅岸其間朝謳夜絃袂雲汗雨夫豈難縣榜朱提唾手百萬人誇碧玉買笑一雙而先生則聲色悉屏戰兢自持畫尻春冰之館居安思危在廉泉讓水之鄉旣和逾介疆吏仰其臂指河陽仗其腹心故洞悉利弊懾服其同儕靡改始終慰酬乎知己此先生之樸忠至若薄笨乘車固少游之妙語澄清覽響實范滂之豪情猶憶荆粵詭氛蔓延揚郡當是時瓜鎮各洲揭

笋之眾雲簇招團之檄雪飛業已鍾繇犯難温序銜刀斷木虹銷
魏徒豨突而先生從鄉大夫後有鄭商人風椎牛犒師克衛粉榆
之社枕戈待旦無慚草莽之臣未幾吳仲宣漕帥開府山陽廉其
聲名引爲參議將軍自有捐客夾袋尤貶賢才鈴閣工吟與左皋
右夔爲倡和榮帷前席掃髯軍短簿之權奇月有專轍咸中窺要
繪道盃流離爲民請命全江淮枕臂當酒譚兵陣旣聯爲玉壘城
遂屹若金湯此先生之幹濟然猶功成不居魯連本天下士時平
可隱元真亦蘆中人蓋先生神解天竅識空塵網郭子橫觥觥之
節魁壘之概弗形黃叔度汪汪之波灑澗之鋒尤斂今者署汜光
敷隱作陽平寓公巖曰退思高名安樂辦田四十雙與元亮相儔

訥齋聯牘文存

七十三

侶度書五千卷惟崔儻相選來古度之樹乳垂三珠秀挺洛如之
花霞燦四壁春襪刺中大好山水將以來歲偕太恭人划米家之
舫躡樊劉之蹤泉鳴滌耳幽尋苔磧而屐紅鳥叫畫眉峰入蓬窗
而鬢綠步嚴遵之臺語漢家之遺墟渺焉訪桐君之山愛僊人之
靈藥存焉清才更兼濃福深致多屬雅人此先生之高曠獨怪夫
時屆晚近俗競踴凌求如書家誠於屏垂義方於里者比比難之
惟先生崑玉茂架介石神鋒樹義爲藩修身如矢房太尉之齊家
不着半臂單公潔之師儉豈諱雙弓解詩課婢絕少想言含飴弄
孫詎聞戲語非王霸蓬頭之子輒款賓以擎椽有盧仝長髯之奴
仍督嬾而主饋宜其崔掾一室道氣是濃陸公三聽家範綦蕭外

如樂廣衛玠之親信弗慚夫冰玉羯末封胡之輩焉敢佩其羅囊
此先生之禮讓抑尤有進者且夫頌闕宮者首歌壽母令妻之喜
賦閒居者兼及孺人穉子之歡誠以金堆窖內何如樂奏房中然
或馮妻性嫉芮母志荒惡伯萬之寵多俾敬通之命拙閨幃有悵
興趣良枯今太恭人熟葛藟之詩渥椿萱之蔭鏡粲眉笑民何翹
乎蒙雙桓汲孟春道允肩夫坤一粵稽來嬪之初泊乎受封之日
寢興必時豐約中適凡孝尊嫜訓子孫撫姑叔惠鄉鄰諸大端而
與先生沉澗相投性情交輔卜昌門內符鄰娃徐俳之言識友屏
間信其子王珪之貴夫是以意極寬容則天真不鑿狀無驕情則
精力自疑天爲粵宛而感之者應斯神福不唐捐而積之者報斯

訥齋駢體文存

七十四

厚故實君彥三諸曩季亦復填篋叶調左右輝映爾衡有鸚首之
鷓沈氏無蠶腰之譏審諸孫問安不必朝朝披簿誇外家所寶歡
看累累扶牀四溲裙子綉成命婦之花九月壺公酌滿延齡之醕
其福罔弗備也其壽當無涯也某等與筱齋大令或敦槃僉會或
韋弦互箴羨其愛日之緜長想其仁風之嘘被今試雨師旣讐不
焚甍而滋虐邪寒奚怨聿老安而少懷鞠人謀人作鼓腹之態遠
者邇者班有脚之春知治已所以治人唯壽親卽能壽

國六房如水吏鈔白華之詩四季種花翁攷甘棠之典境儕乎蔗
尾頰忡乎梨眉聞壽昌於山有梅嶺之窳隆於水有蘭亭之澗潏
東西二樓可以悉吟眺穉稯萬晦可以聽輿歌

恩言譔金母木公之傳天錫純嘏作壽山福海之觀指看三鱣飛
來此老有家傳富貴眼見七龍跳出阿孫皆瑞氣蜿蜒此一序也
藉以效麥邱之祝誌萊舞之忱焉齋鄰誠意寢熾寢昌國住祈淪
善頌善禱並見廚開櫻筍倍愛春多安能帖媿韭花俱慙形穢合
仿辛家而拓印爭誇文字以書祥羨楊億之校齊眉宇儘教東閣
筵開笑李委之篋插腰間請以南巖曲獻

延子澄水部暨配默赫特勒氏四十雙壽序

溯昔咸同間吾京口耆宿類作經師時則侍座臧壽之舍攜酒揚
雲之家往往呼李似爲小友譽柏良以奇才恩綬因得識吾子澄

訥齋駢體文存

七十五

仁兄相與伸僑胼之雅主敦槃之盟蓋其齒牙吐慧如雪之豔肝
膽照人若氣之秋甫在綺年已彤卓犖然青楊巷口妥昏雖孰其
往來霸陵山中梁孟未著其軌範也自客春明屢游夏屋景粉榆
以起敬出櫻筍以薦筵乃悉其名美文香與大家而儷德外芬內
惠由中饋之有人福占屏幃榮齊黻佩今者翔襪桃綬肇瑞榴圖
卿月光圓增耀孊星之彩黃鐘聲遠取調大呂之音飮聞篤慶之
由用附引隍之義方其少也乾蔭早傾旅居靡息晏楹之書墜伏
甯宅之相羈孤烽火驚心慘刀光其潑雪迷陽刺足擁葛帔其無
溫而與太夫人蚤駉相依轂雛悽抱風雨渡江舟小於葉干戈滿
地命弱如絲句曲鷓鴣樊川鷓鴣弔孤生之竹幾賴卷施之草旋彫

宜子澄痛定思之輒潛然盈背也則唯守折衷之訓靡和九之悲
每習一經不逾百日孝標寄人廡下則麻炬可燎伯起讀書樹間
則坐板頻移以方曩賢奚敢多讓由是木鷄養到狡鳳氣伸試輒
冠曹文遂擅價崔瞻爲後生第一李廣本才氣無雙而且秀茁儒
林香霏貢樹在珠申科目中尤英絕領裏焉厚是而桂窟揚芬杏
林擷豔藥榜耀白

帝廷

芝誥賁於家術龍文鬱蟠虹采騰奮稍紆哀詩之痛將表歐氏之
阡夫以子澄之斟注天雞聞喜無對射策金馬厭次可兩豈不足
揆藻木天揚裝薇省而瀛嶠迹阻弱水船回意獨道然神逾暇甚

訥齋駢體文存

七十六

毛義捧檄之喜既乖厥志范晏止足之傳遂印以心以故職冬曹
寸有四年汲長孺樂在郎署黃叔度名動京師官閣賦詩標何遜
五言之譽河渠考志擅賈讓三策之能其司綵緇庫也則卻絹欽
其廉其管官冰窖也則飲水表其志其在校勘處也則

聖訓亦資其編輯其充

山陵使也則王道咸頌其蕩平以至爲

會典館之纂修則例館之提調類皆以文藝飾乎政事公忠出自
性天攷官儀於應劭稽法律於鄼侯矢慎矢勤允稱厥任澹泊甯
靜君之謂矣子澄之制藝早已選入蕭樓昂徧雒紙所刊錦官堂
賦作時彥之津逮佐童蒙之香拾而工部耽隄屯田識律於帖體

詩尤製之極精癖之倍篤旬研切聲病鄭重推敲一字心怡九回
腸轉其論詩顯主律細兼講神清以自然爲宗以循序爲極滌鶴
膝蠹腰之疵類體例綦嚴具麤角鳳背之精能光華洞溢所著一
編在近賢中得修竹齋之娟好與蜨喜齋之靜細盛名繡自弓衣
佳句圖乎主客具主河間翊經講席時經義治事咸有灑樂至指
授詩文罔不批卻導窾如坦之屠牛錯采鏤金似輸之刻鳳學者
積習至此一漭膠戀觚棧旆旋京國因設臯比於廷太守家庭繞
芝蘭門盈桃李其陶淑一如在肅甯時蓋屏去聲色之緣則思博
於壹篤信文字之樂則道充於中世味不深天真不鑿吾以爲子
澄之壽在是矣抑更有進君子澄之纂著壽諸世卽福荃壽及家

讀會駢體文存

七十七

尊壺默赫特勒氏恭人綢直表躬婉嫵爲性嫺周詩以宣陰律熟
班誠以柔姆儀人第見其乾綱遠播鼎門大扃而未知子澄幼學
之沈酣劇於嗜炙唯樂妻截機實相助焉齊家之儉約甚至澣服
唯桓君提壺實相成焉且君認其琴瑟則如鄭媛弋雁之靜好焉
君繫其蘋蘩則有季女芼魚之誠恪焉加以座客常盈爲拔釵而
貰酒窮檐得飢因分漿以掬飢媿媿善下抑抑流謙所以寵媪知
恩廚孃銜惠婢鮮泥中之訴妾無闔外之專擅銘藥之才嬌憐左
女賦采芣之什化媿周姬正家斯吉在福則沖然則皋廡偕隱冀
野躬耕逸矣而非所以律高門曼桃入詠酈菊製銘華矣而非所
以揚盛軌今日者游崇文之坊署履道之里白傳尙齒之會伉儷

自嘉黃人捧日之年承平快靚騰騰膝下笑聽雛鳳書聲樂奏房
中妙準姜夔瑟譜聃老之靈株滋蔭鮑姑之倦艾蒸香褚哀四時
之氣得春夏尤多胥餘五福之疇能康甯最好松茂柏悅爲曼齡
耕社之徵蕙耀弧明壯北顧東灑之色慶雲方爛於一庭
湛露正濃於

九陞樂府叶雙聲之律自應曲奏唐山康侯邀三接之榮定卜

恩承禹甸恩綬年殊慘綠媿末座之陪賓詞近妃黃仿仙謠而獻
頌腰遂當場心香介嘏則是序也固猶夫層臺聳閣僅屬初桃要
亦知金母木公操爲左券云爾

公祝周海胎軍門六十壽序代

訥齋聯體文存

七十八

爾其山橫淝上爲偏將軍肄武之鄉天入景州是真將軍屯兵之
蹟識汝南旺氣傑人生自靈區衛薊北神京韜略傳爲家學况夫
以斗魁上將佐上相於文昌以曼倩歲星躋福星於汾郡而且琪
珪玕瓘之彥耀之於今自應髮覩齡耆之徵至之於後慶六駟於
豐體羅百祥於鼎門其唯我統憲海帥大人乎春濃大樹蔚成丹
桂之聯柯宴敬螃桃煥作紫蓬之喬采今者著雍紀歲林鍾叶辰
世兄中翰公將以是日集人間之鳳吹侑天上之鴛牒一時澠翠
以趁黎收而擗者咸鋪張玉躑躅飾雲屏禮也某等叨居舊部慕
東山謝傅之重來欣與賓筵仰南極老人之福曜翼一軍以燕喜
騰萬竈之鳧懼且夫將迎之術上士羞譚綽綽之祈達人弗受今

使徒曼詞紛靄吉語駢雜誇僣倭爲眉綠譽箋聃以瞳方餌句漏
之丹僊隣鮑靚襄壽林之葉國任祈淪史巫紛若君子譏焉蓋不
詳錯節盤根之險無以知勗業之艱難不見夫臨陣敵愾之雄無
由悉行軍之智勇惟觀其出處綜厥生平乃知我統憲有李廣飛
將之目而恂若儒生有蘄王百戰之勛而逸如居士旣功成兮引
退復迓孝以作忠初則效許武成弟之名唐卿得晉卿指授繼則
體武穆承母之教家事與 國事肩擔威威祇祇磊磊落落泐成
向兩朝天滋歡聚之螿君塵宵旰之憂卒能禽獮草雉劇殄無遺
維時某等得侍橐鞬躬隨鞭弭親見我統憲操騶挈龜鶴躍而出
攫犀搏兕麟振前行而與諸曷舍英遊戎及武壯公以急難存德
稱合肥韋虎練五長土團軍能寒賊膽達六郡良家子適著威聲
嬪亦効忠義憤勝蕭孃呂姥兄爭授命淚痕搵仲澥季江枕戈志
堅傳縉勢熾因此王罷當道自署老罷張燕入軍人稱飛燕遇帳
不健兒親酌義臣之酒書展間姓氏遂建大將之旗故盛字一軍
乃屹若長城焉凡轉戰六七行省幾於拉朽摧枯鼓鑪燎髮蕭子
房日破十二壘吳明徹月獲數十城以方前賢允無怍色其尤奇
者以少擊多我戰則克每當敷雲壓幕鼓聲不揚他軍或陣歛龜
圓兵空鶴列而我軍十盪十決寇乃益深再接再厲兵無敢卻時
則我統憲左右翦屠後先遮迓橫紫大蟲而舞戰血交飛麾朱落
雁之軍陣雲莽起往往以數十騎敵萬千賊而藁郅支於街前縛

夜叉於馬上卽爭此須臾然雲翱翔旂之中鐵屠瑀戈之會而鶴
入鷓羣豬突豨勇護頸少于闔之玉避兵無螢火之丸從未聞摩
訶擲銑有損額顛仲禮遇刀竟傷肩上者何哉蓋天生奇勇世推
福將以此靖粵擒之披猖受侯伯之知遇旣膺

懋賞復荷

寵褒喜大功之克藏旋歸志之勃興而

先帝亦憫禕侯之勞勩諒萊子之真誠遂以元老壯猷署深明小
隱浮槎水冽絮情可鑒臣心蜀阜荀香甘旨能承母笑故憲太夫
人澤衍五世壽韓百齡精神遂其曉冷節儉秉其訓誠以致

聖母恩稠

訥齋駢體文存

八十

宸章彩綉邀慶丸其灑翰益翟芾以增榮人第羨閩德凝綏綏疊致
玉如意優施之寵未悉勛門獲

賜正酬鐵連枷憤擊之功也憲意彌懽蔡忱恭竺我統憲孝經在
手兵略維曾每抗譚 國事則鬚如蝟磔仿賈誼揮涕之書氣作
龍驤觸介傳請纓之志迨庚辰歲今伯相李公奏以烏夷肇衅畿
甸需才爲聽聲而思虎將遂捧

詔以涖熊轅寰海銷氛旌旂變色惟名躋兩列程侯嚴肅劑北平
簡易而皆宜亦蹤儷三明開府湖湘較作鎮甘涼而愈壯然且佩
四廂將印籌萬里窮邊凡馬步十九營其較力有飛雪將疾雷將
之觀其結陳有橫衝都定霸都之勢嘗尋 賢王之轡獎爲節制

之師偉哉一腔報國無傷墨經以臨戎八面駭威合向紫光而
繪彩且我軍最勤疏濬積有勛勞今歲永定河之役牙璋震簇腰
插雲興復能患弭黃魔留氓赤子以此見我帥河渠有考訓練有
方勇冠花卿挂印綴九邊之略歌興瓠子宣防覘萬福之來有守
有爲壽民壽國獸是蜺旌虎幄不思惠週梓里者非爵望之仁
也鳳享麀孫不知澤衍瓜縣者非燕貽之善也今統憲與鄉家同
豐儉與壺士共饑寒類范忠宣之贈舟學李士謙之燔券而且歆
舊友醇醪慣醉程普嫁貧交莞女肖宛鍾離鄭工告決禹溺彌殷
公首爲解帶置庭之倡諸同仁亦作輟馬傾褚之思巨款集成大
川攸濟爲天地彌憾卽 廊廟紓憂庶邊裁洛如之花能不發科

訥齋駢體文存

八十一

名之草檀家武達王氏文通吾知中翰公佩寶銜華跟經躡史不
媿馬糞長者定署龍首山人此時夏屋稱航輯壽宇一編樂府來
歲春元應兆驗姥山七級浮圖某等敬仿麥邱之祝預開杏苑之
筵控花獅而壯心有幾士無拊髀以興嗟踵揚馬而鼎足成三翁
亦掀髯而暢笑天爲粵宛感之者應乃神福不唐捐饋之者效自
速也際此甲幄延祥丙星崑瑞被膠木流風譜壽人作房中之曲
繼荷花生日折搖枝爲海上之籌笑看楊柳成圍任老子婆娑歲
月間說芙蓉無恙有老僧頌禱長生抑尤有進者鬚眉矍鑠腰腳
康疆鍾乳休餐牛僧孺遜斯導引柘弓善挽馬新息綽有精神卽
以津沽論也近中條山屑粥之榆

此中條山
在滄州

更比廉頗飯健隣非

弓城尋倦之藥不煩徐福船回氣完神充襍翔暇集是宜天孫亦
稱壽考外國皆問起居

帝重引年詩賡難老喜

九重天芝綸下賁聽蔡少霞廣仙呂之噉看六萬晦禾黍敷春敷
揚子雲撰營平之頌

鮑幼宣封翁暨配陳恭人七十雙壽序

儒者處世德業必進於青年福人應昌鍾毓端緒於靈傑吾潤際
斗牛之野擅山水之區城之西北隅日觀枕其前壽邱臂其右隣
沈司諫騰谿千秋橋古近王孝伯宦蹟萬歲樓高其間風氣清穆
瑞采蔥鬱吹生洛如之花宛署履道之里颺風脚月駿警秀乎東

詞龔聯體文存

八十二

南仲雪伯霜隴眉躋乎綺皓天錫純嘏家承賜書而况賦舞鶴奇
文延修竿於明遠續葉馳世閱飲淑範於桓君本非山澤之臞妙
尋庭聞之樂則於我世丈幼宣先生見之矣歲焉蓬敦牂年遐德
劬月吉辰良先生偕尊壺陳恭人後先攬揆喜慶大侏而長君峴
滋諸昆玉集詩人之鸞吹侑福地之鴛漿一時仙篆揆張頌詞表
襮如恩綬等熟聆樊劉之賢久託妥存之雅能不仿麥丘三祝薦
奚斯一篇夫源孕於岷江而遂波瀾始闢山根於歛嶽而遂形體
乃宏以先生毓英於躔緯挺秀於觸辰代不壙僚世皆敦素何家
驃騎以第五稱奇江夏黃童獵無雙之譽而且希縱竇桂競爽張
楷填苞既諧唯衣能辨

公與季威
八丈學生

耆好最雋見書輒耽謙眉梨之

好弄侍肯噀以博權於時薛太夫人情殷式穀志堅茹檠先生嗚
噤終日有睟其容視聽於形聲之表嬈姑無勃谿之嫌善適人意
景四時以御輿偶涉微疴夜五起而視枕屢於明發同乎所生貽
親令名襄清之臺奚築循陔奉致純白之義逾明渾忘已孝擗彰
母慈迨青犢厄蓮片舸渡江碧蟬嵌華寸蘊爲命平輿賤貧藉馬
磨自給京兆僑爽慨牛衣欲穿胸春幾乎靡輟腹輪爲之弗腴惟
與恭人鳧雁偕弋蛭駝相依雖券積謬臺而仍焚齊責卽磬縣魯
野而益勤仲負則嘗避地孟湖橐筆硯嶠凡屢屨之厝竈突蘊蒜
之挂屏風男錢女布朝鬻夕餐以至蒼失龍鍾芻蟠馬鬣臨風欲
倒之身勞逾頓輟看雲有憶之狀難急鷓鴣百端擘畫羣季雍怡

訥齋聯體文存

八十三

此先生至性邁人頻年食苦而福祉之所由至也江鄉騷雅萃於
鼎門公先徵君暨雅堂麓邵野雲大令僉詞賦起家 禁掖騰譽
至或接跡高岳署明經大師方軌交長作小學祭酒妙藉夏課冬
烘之業陶成薇省金鑽之英清酌餘韻以逮於茲先生年少錮色
書不諱淫古事宅心世甯銷僻朱穆數馬之媻桓彖半豹之博遂
受知臨川廷尉李公字識商角典晰撐犁寓十盪十決之敵逞一
併一均之工嗣此見聞日臻門廡遂拓凡前後攤皋比者垂四十
餘年抑更有進者境不計豐嗇事不問洪纖有如朱營吞紙絲璉
織屨中澤之螫動兒鳴鷹焚巢之慘越有孤雛甚至霜竹斑涕巷
施拔心寡鵠之翼靡棲息深漆室鰥魚之日竟頂冷噓藜羹階後

星孤應門聲杳巷前蒿沒受經者希衰楊之肘難療枯柯之體半
僵凡此身世茫茫恨天地之踟蹰恩波浩浩眄江湖之寬乃李子約
好行其德嚴季鷹以禮爲羅於是先生本儒林丈人推廣大教主
闢選屢兮曹憲荆鄉塾於臧壽代歐姥晝荻之勞起詩人維桑之
敬迄今承其涵育者悉滌滯通靈因材船士下至櫟顛酒董書譜
算經概遭指授時形舌敝始則貽趙學究之嘲繼則有邊菩薩之
號焉贊皇巨術庇孤奚翅八百養浩有田豢母問辦十雙女貞之
木獨茂忍山之草皆春蘇湖教授人識胡公鄒甘大姓民歌賈父
蓋由先生旣慈心入微亦高掌遠躡切噓枯殖生之願泯臨渴掘
井之嗟選選言勇冬愛墨灑春甘敦讐邱而說楚謁齊宣而發棠

訥齋駢體文存

八十四

諸晏嬰舉火之家募贖時違造言放鳴弦之室公事借籌而孟浩
干時不爲世厭胡威絜已詎欲人知無居官官事有春風風人此
又先生盡物我之懷推利賴之隱而美意以延年者也且其謫藹
爲蒞士所由驗親親實仁民所從推先生被物蘇煦如春在花薰
德善良如香着紙裊展與游多馬糞長者筆研共事有雞冠秀才
枕典席文汴仁有義庚令坦無城府希文善體人情避嫌類皆不
足涉世最好自然上蔡之去一矜功微克己公菽之字百忍道蘊
齊家勒暗室之箴神示可質匡病坊之匱頰仰無譬以故貸及六
嫻河潤九里憫西華葛帔寒亦能温谷東郭竿聲負何嫌濫加之
縣似續於孝馮之鄴睦教戢如義陳之門以言贈人體備四氣因

文載道妙在一眞幾經劫火鷄灰腹笥之書滿腔善機允食心田
之稅陰德自鳴其耳大言能副斯腰宜其煌煌

齋誥從天上頒來軒軒鳳皇向雲間翥起潤漪吏部姓名早貢之

御屏庭訓久編爲治誼一時望著中銓清通簡要是日身躋北闕

首瞻南灑亦與贊社秦七甯州黃九張龍梭織字之彩

謂馮蒿蓋
王中午兩

太父有 晉兒鱸介壽之章喜可知矣茶人綢直表躬婉嫵成性嫻
誤壽言

慈儀於班誠宣陰律於周詩綜厥生平嘗手脫簪珥心頓刀尺天

笑紫鳳衣痕初綴江干黃竹斂具經營翦髮易書量腹飲水迺能

坐米桶以塵冷歷蔗境而回甘今雖翟芾彰榮鳩杖儷祉而媿媿

崇儉躬躬流謙編止足傳織含飴圖琴有在御之德宛然樂府春

詞彙駢體文存

八十五

多甚無不平之心從此晚晴天好正家斯吉在福則冲然則偕皋

庶隱耦冀野畊此逸趣也非所以律名楣餌金光草住祈淪國此

曼詞也非可以馭盛軌唯免史誣之陋逾媻綰綽之蘄今日者凭

喜雨之樓覘壽星之曜集六順於豐體羅百祥於坤輿芝蘭秘薛

郝達慈孫久玉潤清眉軒快登玘瑾琪珪之輩付家事以能擔髮

覲貽耆之徵轅修齡而益固與紫瑤真人並降

用陽月
二日事

將齊越井

羊珠招丹陽仙尉同游媿美焦巖鶴紀杖履懋健伉儷含嘉十月

之交昌期福庇

慈聖筵開符瑞汁於靈徵聲教彌於市合凡綠圖之佐絳老之壽

咸昭景飲醴醑生斟元先生笑持桂醕寵錫蒲輪季儻伯詞翁悅

嫗喜綬等取式芳架謹貢菲言學腰遂以當場蕤心香而獻禱值
舜風堯曠寰宇正舒春於庾嶺之梅輯箕疇懿繇文辭定酬我以
鮑姑之艾是爲序

王謙齋柱史七十壽序

歲在昭陽天錫純嘏 國家楫彝牖夏科生斟元維時

舜曦光被

堯母筵開符瑞汁於靈徵聲教彌於宙合凡綠圖之佐黃綺之儔
咸飮酥茹熙沐仁浸義馨榜徧恩於芹藻鶴書下賁於松蘿迨嘉
平吉日值我謙齋先生年躋大董慶炳昌期識曼倩前身歲星降
世肖焦先生活樂隱棲輓某等因集於淝上之遺園水翠堂存松

詩齋駢體文存

八十六

風閣峙石縹落茲神清宇現檐矮梅笑春氣盎如以此代榮啟期
之樂介彭大夫之壽琅璈競答匏奏偕宦夫難老之徵端在雲霞
之慶饌也修齡之效實由著述之怡神也先生挺異於騰辰徽名
於菘苑辨銜瓊之四聲織錦梭之萬字瓠史最精劉臻有漢聖之
目蕭屢勤攬曹憲致選學之俛劬逾耆炙勞幾焮掌甫冠受知於
順德羅文恪公一藝跳出萬人傳觀伏挺信日下無雙崔瞻號後
生第一一時如武進湯貞愍東阿周文忠以及袁端敏英果敏何
媛叟方夢園諸公柄授塵尾炙啖牛心皆訂忘年之契有國士之
知焉今使先生負命不奇榮名爲珣則將揚鞿蓬觀揆藻蘭臺飽
讀中秘之書暢射厭次之策庶輦轂翔其鴻律霄崢軋其龍文詎

不足墨灑金壺材量玉尺吾知三五郎君六七鄉達亦應傲楊野
而不能等皇甫之僵走哉而乃袞袞臺省類同學少年落落江湖
縱狂奴故態先生來自陳芳之國遭彼磨蝎之宮布再懸而仍躡
書十上而徒勞觚朶名場崢嶸撰述遂大后周秦漢晉唐宋金元
明諸家之秘復旁及劉略班藝虞志荀錄咀含英華經營闕矣天
慳以命公昌於詩其詩不名一家兼綜諸妙嘗謂某等曰詩不窺
錢劉而望李杜恐近於鬼幽而致枯不歸李杜而趨元白皮陸或
等諸鬼躁而質壞窺錢劉而宋元以後可存歸李杜而漢魏以上
可證斯言不激不隨有典有則蓋其世著風雅家擅詩聲十葉相
承眾口爭譽逮我世丈育泉徵君小鵬川詩具浣花之體備傳薪

訥蘆駢體文存

八十七

之資先生遜承手澤扇發心香所作清剛雋上卓犖紆徐繡春雪
於弓衣繪放翁於團扇簞坐六尺帚亭千金已非烏衣少年律諧
樂府合有鵝冠童子誥授詩王天崧自解淑問吹鮮抑更有進焉
者從來六朝名士多半參軍兩間布衣自署捐客憶咸豐初年賊
迫金田響應銅馬廬州夙稱劇邑時立行省加以天祿劉歆符覲
赤伏壽陽伏景讎兆青絲鞞鼓殷天戈鋌簇野先生於流離顛躓
之中一御以揮霍開闔之氣被服儒術號召鄉兵迨至敷雲壓壘
亦舌燒城先生方侍江忠烈公助干楨之役習韎韐之容義膽輪
困吟髯掀奮不得已數燭武之絕走免給事之佯瘖遂游諸大帥
幕間恥爲異詬之狀時發恍惚之言客是杜陵主非嚴武然猶蹈

酈食其故智師魯仲連餘風出入槍林彈雨之區馳逞辭鋒言泉
之勇舌奪三寸師賢十萬一時粉榆蔭茂橋梓助多已而撓槍不
落異軍特起成君子六千亘列宿廿八貂蟬盈座從兜鍪而生韜
略在胸與姓氏並晦時則先生善刀而藏拂袖徑去捉老兵對飲
饒爲看劍之豪情無地埋愁獨下憂時之涕故喜笑怒罵跌宕奇
氣至此一寓於詩而先生已皤然老矣高密守一經之舊淵明膽
三徑之資其先世有別墅踞逍遙之津極明璫之趣自經狼獾弓
藥菟裘埋盆爲沼疊石作岑絳雪萬點落花如繡綠雲一窩幽篁
善獻且病鶴步遲聽茶聲而意解么蟬吟苦撓松籟而氛消其廡
臺結構如詩之古樸與詩之奧折謝牛僧之爲耦著蝨隱以自嘲

訥齋聯體文存

八十八

先生朝歌夜弦露鈔雪纂凡酒顛茶董史雋言鱗之屬贊水知方
說山有訓以至淮上英雄之錄廬江七賢之編續有成書卓然作
者固不歎謀便了算凌招老逋鋤月爲足澹慮涵和頤性救壽也
已且夫枕流漱石者碩士之性情表德紀行者史氏之圭臬如徒
向巖壑以乞靈藉林泉爲潤色則非知公者先生遠向清超天真
純篤友伯霜仲雪續謝氏夢吟招張丈股兄仿韋家宗會媿接待
以舉火貧交時亦贈綈雖偃室常接而利弊有必讎雖阮囊常蹙
而取與有必謹范山人編止足之傳何處士有游俠之名飯仁香
義隱曜含光少曾與良齋爲伍謂徐孝廉覺甫諸詞人鼎足而三厠之顧怪
歸奇之列儼有陵顏轅謝之奇科第何與風漢神契不殊雪子名

本相埒福則倍之今先生壽星應昌餘霞成綺野狐精健雛鳳聲
清視則傳壻傳孫嬪則宜家宜室志苦縣蒙縣老莊佐其譚資泐
東銘西銘杖履濃其道氣至室中如嵇叔夜之琴具徐景山之酒
鎗與古公避狄之杖尙父九府之錢以至歐陽永叔之五代史藁
先生有漢鏡晉劍唐甄宋
研元枕明鑪之室小印
長物非無清貧亦樂傲他權貴擁成百
萬之資日與摩挲劇於十五之女稱心易足於興而吟至斯先生
詩境又一變絢爛之極遠於平澹豪曠之致率乎自然記辛卯歲
夏春之交先生一舸東下小住西泠補漁洋之遺憾賴譚錄爲前
導尋僧靈隱觀潮錢江山愛越中之青女艷天下之白楊妹解語
不煩舌人未媵作羹善娛髯叟所至題襟幾忘作客旋游海上非

復人間色界之天護世之城雨夕晴朝哀絲家竹老鬢率以酒名
聞者幾疑樂死老去填詞風情不減歸來無恙興致逾佳想見袞
屐之暢斯爲壽考之徵何則以吟詠養性情則天真不鑿以山水
爲襟袞則形骸自彊矧先生干莫之氣銳於李邕而季野之温肅
咸備清濁之分渾於黃憲而元禮之汲引尤勤道誼能擔諸肩陰
德自鳴其耳宜其處十生九死之所而不必爲先生危遭六張五
角之蓄而不敢爲先生戾先生樂於水而水無所苦
先生曾覆亦
船巢湖
工於詩而詩不能窮其殆香山居士所云詩人在處應有神物護
持也默然則神惺於常湛氣固於大凝彼通求眉壽頌辭也考古
者叟病其諛矣丹石芝粒靈餌也達觀者亦譏其惑矣惟綜其顯

晦之遺驗其神明之固預編年譜善頌壽人乃知積慶者有餘得
天者孔厚韋左司焚香淨地齒九齡而神益曉洽邱庶子樂澹寡
營年百歲而體軀矍鑠詩人多壽違事堪徵方今
恩錫蒲輪人游蔗境吾知寵崔光以博物旌桓寬以稽古杖

朝杖

國經師人師某等辭媿受辛星誇占丙賞音在七弦之外祝祐仿
十賚之文釀凜湖甜水以成醪香浮霖學蜀阜祥雲而作錦斑
徧乘衣貞貞僎福翟翟延麻敬爲毛舉之詞用滕手仇之爵弧南
瑞采作作有芒膺東老人浩浩自喜德豈朽穆叔之三疇當衍胥
餘之九平世允符六順福娛梁孟之年華大名自有千秋壽媿文

詢齋駢體文存

九十

蘇之墨竹

先生家墨文與可東坡墨竹
元明人題跋甚夥希世之珍

同社鮑丈仲銘八十壽序

光緒初元吾潤重修邑乘時余勦子安良亭諸宿老箴譎補佚考
獻闡幽因得識吾六丈仲銘先生先生極爛掌故彌殷手澤相與
訂忘年之契寄無窮之思嗣學使黃侍郎准 國史文移蒐求儒
林文苑循吏孝友四傳之選甄錄山陬水澗先正遺逸諸家之文
意謂史公有說副在京師來氏無書亡其墜緒且鐵函置井君子
以爲迂玉篋充庭賢者以爲美先生乃敬將先德步江徵君論山
農部野堂大令諸著作敷之於前復於張悔廬氏陳敬庭氏柳氏
戴氏昆仲說經諸書及余文圻李籜郵張叔淵等詩集踵之於後

而於良翁三傳之學尤雅意挾張統司讐校雖顯晦有時而表彰
一致里騰嘉譽增吉光片羽之華 恩逮臣家備金匱石渠之列
合之三媛賢孝一例

旌褒意苦心長襪轅輟集蓋予人享名者天必酬以名佐人壽世
者己必益其壽也鮑氏系出棠樾鬱此枌榆其居橋枕清風隈鄰
喜雨一僂出世羅文字之祥兩楮齊年仿耆英之會昆季矍鑠風
氣清穆蓋先生誕降於嘉慶戊寅春是歲皖池馮雲路發解時先
明經公聞藝概秉犧經勵膺鸚薦而爲太世丈凌秋贈公所僂許
則嘗奉前輩爲知小驚先生之犄角先生聞自鵬齡卽辨銜瓊無
儉鳳毛之嘲克啖牛心之炙江鄉如尤袁之嚴憚羅鄴之甯靜俱
引爲門牆誇其岐嶷最後侍蜺庵楊氏能解豬語攸相子芝善識
馬途轍遵秦豆隼烈經師服虔都講一時交贊之至於劬學之顛
幾於焯掌夜讀之勞遍問燎髮一篇跳出萬手傳鈔遂受哲匠毛
公伯雨之知然於陟岡之暇私實傷心之涕由伯勳上舍此年尙
未僑也其天性之篤己見厓略時家正鼎盛罕遭蹇厄贈公方精
風沙之術爲豫章之游四窗八達三致千金先生怡神里西游心
竹素其時城南南壇坵最盛如夏氏之十研齋賈氏之清籟室酒
海之街梅溪之築咸敦槃主盟笙磬同應意氣旣宜少達風雅遂
有替人暇則奉尊慈殷太恭人御版輿以博趣簌萊彩以專懼時
固晏然公遂暢甚乃未幾雕題叩鼻之眾祆燄熾於泰西青絲白

馬之諧寇氛延於皖北兵起金田城摧鐵甕溯自壬寅以來先生
亂離身世酷肖乎杜陵定省憂思時同夫江革乾廕旋彫旅棲靡
息芒屨頓破足卻迷陽麻衣載奔面洗淚雨凡鶴枝之寄馬鬣之
封塋畫煎腸功名拊髀加以戈鋌簇野早潦失秋而與范老孺人
蚤駢爲命蝨蠅擔勞幾欲嚮漢書充食然論語代薪胸脊腹輪天
跼地躡入泉明之詠孤雲無依續行路之難落日彌恐問埋憂其
何所愴避債其無臺也已夫魁儒守蓬華不若交馬鑿也志士擁
敝褐不若規魚陂也矧明遠家世多作參軍叔牙經綸曾工貨殖
計先生中歲二十餘年一就淮鹽餘西場李君紹仔之聘一應廟
灣場商人之席類以先世屢食議館藉挽賤貧仁義符平醜醫平
準妙有權衡厥後佐徐明府綱伯蔣翟壩樞局之務徐固詩人亦
係中表先生於簿掌之暇聯吮毫之盟富陵浪黑都梁草香不廢
嘯歌益通警欵明府詩尙才氣胎息於藥續女史三秀齋稿而和
神之中劑之以清節先生詩寫性情泚沫於海門集及逸仙陳夫
人課選屢稿而騷雅之極持之以和平其興趣一如在餘西時時
余亦是年館盱山於又裴司馬家惜交臂失之事後追思頗滋寸
次風鶴稍靖江城無恙吾鄉向有普仁堂留養所者是壺士所謂
病坊亦佛家所宏願海也凡屬四民之窮徧賴三餐之給推之習
成一藝藉蓄蠅蠅貴澤及九原得免狗葬夏施活人之藥冬流挾纈
之恩憤有歲年廢於兵燹鄉先達濂甫光祿師解狐之薦重展禽

之仁先生亦酌水厲清與人爲善堂之公莊舊在闔閭之城淪爲
瓦礫之場隱佔有人食貧奚賴是在見義必爲當仁不讓訟不諱
健刑亦名祥乃能洗奸胥猾吏之藁拒巧宦熱官之勢得尺得寸
無黨無偏卒之屋庇萬椽河潤九甲雖警警之聲幾將玷玉囂囂
之口竟至成雷而先生迺然也波方平而忽起鏡以磨而逾瑩歷
任二千石如趙粹甫通憲魁文棻都轉獨鉅箚之隱降德閭之式
澄撓判其清濁噓植破于氣正皆隆之號寵及邊鎬醉侯之稱署
自种放先生於是敦齋東避世巡攘西詠詩謝長官之維繫樂竟
日之道遙劉霽只知頌酒裴汶亦頗述茶笑牒言鯖時時遮日天
梳日帽處處散襍不名一錢自澤萬物松石之間自饒意趣名教

之外別有風猷蓋霞舉天羣雲翔塵網殆八九年於茲矣余嘗綜
其事之幽顯德之洪纖論之先生承其二親之志故窮頓晞名粹
於四聖之書故夷澹養素爲弟灼艾心事同煎受徒傳薪身教尤
飭病君子病卒能不病

先生患三陰瘧十年

憂學術憂終以忘憂一句之善

必獎諸齒牙一語之投卽贈以肝膽劉四晉人不恨魏三玩世亦

佳有箋注才不襲著書之貌得吟弄趣雅饒痛飲之資朱門蓬戶
不異周旋孟飯陌錢時睠戚舊往往喪侯巨卿必執哀紳道逢許
劭用改單車坐留文讌之賓門絕錢通之客遂使鄙悝之萌消彼
斥鹵方介之操化及販傭而且寫夏侯之誥恒產不殊療秋土之
嗟不衣自煖冬心鬱其獨抱春氣盎而自生四時全備六順致祥

宜濬卿煦齋賢昆玉架護中度卓犖冠時早立榮名具徵隱德金玉其質填筮其聲既懷遠遊之戒頗寫色養之誠其妙在問字之酒分餉於親朋束脩之羊時糞於賸臘佳兒濟美詩婦象賢日方清娛可無作色雪堂載築風景逾滋余入其室媿少五千卷偶赴其約輒傾二百栝故於先生身世最習爰率里郇後進揚摧而言月際孟飢吉符攬揆預設除貧之宴藉陳祝延之章後邛長春日富貴神僊躋卜子夏千秋文章經術侍教有伏生靜女綿家學之流傳稱觥攜香山外孫博阿翁之懽笑善人逢吉美意延年盛矣哉功不必勒鐘鼎而大爵自尊蹟不必溷朝市而令聞逾遠騫天者孔厚頤性者靡窮昔魏高允齒九秩神益驍冷單道開壽百齡體尤強固要皆巨威儀定其命巨仁愛培其至今先生神游蔗境瑞

訥齋駢體文存

九十四

賜蒲輪一時詞簇霞錦歌獻雲璠恩綬爲是言也雖如聳閣之有初枕定知長生之有左券壯鬚眉奕奕仍齊壽阜之喬柯健腰腳年年不藉祖姑之神艾運際昇平祈媻綰綰杖

朝杖 國宜子宜孫證莊敬安詳之學其容乃由申如天天如撫祓禳禘祫之文其辭亦渾渾爾灑灑爾謹序

廬陽張氏五世同堂頌

合州腹巢湖控渦潁膺濡須枕潛皖信如姚惜抱氏所云地勢寬平原隲雄厚是以磅礴蜿蜒之氣吹生耄耋駘耆之英崑崙中

興以來嗣生斟元濡春縣字草木甄阜山川貢姿恩波凍於太餼
瑞裔慈於閩里維昔汝南剛敏武壯之母栗太夫人首以五世同
堂尋承

懿音備膺靈貺恩綬時以將軍揖客獻壽人仙謠雲

景麗爛彰於遐邇今張君懷棧茂才爲武壯之賓師作儒林之丈
者吳帶曹衣活丁香於擊底伯霜仲雪趨子舍於壘中韓瑜舞綵
以娛頓忘老態石奮奉牕以進不隕慈容此樂三公何易其春一
門歎多我世丈典五先生含光隱曜植紀扶綱課諸子以經各嫻
一藝爲出家課志最悉五行家有小築藉遣積齡詩槐數株爨材
可給種秫十晦酒詠能儲人生適意須富貴兮何時天爵自尊荼
子孫而逢吉年轅七錦眼見四代然猶頤攝自佳不餌稽生石髓

訥齋聯體文存

九十五

起居皆健無勞潘合版輿茹和飢熙襪翔祐集人早識微喜蕭傲
之生蕭愿地堪望氣卜魏徵之有魏暮也上章之歲孟陬之月玉
燕重來石響復降徐卿令孛孔氏釋氏抱來王暕童年公望公才
在此連天大姓積善餘慶申伯降靈門自容乎駟馬寅哥總吉騶
乃應此於菟良餘山隈逍遙津畔一時驚彼唬聲播爲盛事恩綬
粵稽盧志式懷曩蒞跡自沈劉

志載朝以來五世同堂者約十二人統徵叟鑠而

與吾丈年高惠劭前輝後光如耆英會之十三人縣清河郡之千

百嶼方今

朝推尙齒

帝重引年將見鳩筇賁寵燕翼貽謀子白孫頌笑是龐眉老安年

深歲積幻爲雞窠小兒誠里棄之休光尤熙朝之人瑞也已至如
綬者才遜姜夔久僑淝上品欽張薦擬訪竹中含飴之願已償踈
隱之詩未賦近與張君聯羣紀之交躋安春之列羨其美意延年
全家有福雲蒸蜀阜自安土以敦仁祝仿華封信承歡而益壽爰
以崇明吳老人之圖乞平湖紀事更以懿氏陳公子之繇爲有媽
占祥敬作頌曰

黃帝後嗣揮爲工正觀星制作張迺著姓宿耀南弧自天錫慶竺
生壽者威儀定命其一逡道之張華胄匪遙經文有肅緯武有遠公
崇聞質淑問遠姚既畊且讀不琢與雕其二紫蓬蔥鬱昔定厥宅穉

穉晉蔬清泉磐石惟翟夫人相與莫逆毓四丈夫豐頤寬碩其三 詞

詩龔駢體文存

九十六

然長公侍座夔夔六十慕親宛如嬰兒仲澥季江歛填與筮和氣
釀春天地吾私其四 父母俱存兄弟無故願而樂之不言而喻伊祁

有言多男多懼翁曰何懼得天所祐其五 子既生子孫復有孫蘭粉

桂復瓜瓞椒蕃瑤環瑜珥騏驥驪繩繩繼繼乃及曾元其六 元孫

在側使君壽考非惟頷之又負抱之非惟保之又申禱之無難無
蓄以善爲寶竿衍九疇福勝四皓其七 謝述祖德陸誦先芬咳而字

之宅日有聞韻頡義獻睥睨淵雲五世其昌生意欣欣其八 我亦多

孫蘭芝挺秀繞紉分甘經方口授側近福星福爲我佑敬捧光鱗

爲先生壽其九 淮湍灝泮槎山岩嶙桑麻粵野四境無塵載瞻珂里

復荷

皇仁嚳定螽誦千萬世春

詩龔駢體文存

九十七



跋

吾廬郡自澗中譚仲脩大令下車適 亞白明經館余中表周楹
莊舍人家一時訂僑胥之雅復互以儷體文相提唱余心怖其能
嗣余從事義甯權局 亞老由都門歸寄所著訥齋文相質吾聞
譚侯既以台孔洪爲一治許君矣乃三復之凡簡質清剛之作信
如治翁煎茶所云建溪如割漉井如遽日鑄如錫等言也至其諸
小品隽而彌永又如昔人評芥茶得片旗可終日者旋語林太守
右丞右丞願謂余言之不謬獨念先生纂述繁富皆無力壽之梓
聞昔金陵詩人陳古魚氏客吾郡時其詩概上下卷賴吾里人丁
嵩來參軍典衣刊之遂傳至今亞老此集與復堂類稿可頡頏又
客肥上最久請少疎之必有踵丁參軍後者然先生志趣高性尤
耿介劬書若嗜炙嘗函索苦茗及西江官板諸叢書有以驗君瀏
覽之富矣固宜其文之弼中肆外也光緒辛卯中夏社愚弟輯五
阮貞瑞謹識於甯州差次

訥齋駢體文存

一

